



LEGES
ALUMNORUM
IN ACADEMIA ELECTO-
RALI ET DUCALI SAXO-
NICA LIPSIENSI;

Denuò publicatæ
Anno M. DC. XC.

7.

1690

104

38.

40

4.22

39.


4.22



Euripid. in Supplic. ap. Stob.
Serm. 145.

Ὅτι ἐστὶν ἔθνη κρείσσονα, ἢ νόμοι πόλις καλῶς
τεθέντες.

7.



ELECTORALIBUS
IN HAC ACADEMIA ALU-
MNIS, DE SENTENTIA ILLUSTRISSIMÆ
CONSTITUTIONIS, ID INCUMBIT
NEGOTII:

I.

ws

Statim ac recepti fuerint, S. S.
Theologiæ Studio & cæteris, quæ illustrissi-
ma Ordinatio Stipendiatorum requirit, bo-
nâ fide obligent se, sponsione *ἰδιογράφα*, cujus for-
mam & exemplum à Præceptore sumant: nondum
adhuc Albo Universitatis inscripti apud Rectorem no-
mina sua maturè profiteantur, dicto simul sacramen-
to.

II.

Ut recepti stipulatò promittant Inspectoribus &
Præceptori se (si nondum huc commigrârint) res suas
& suppellectilem allaturos intra octiduum; atque in-
de obedientiam præstituros debitam in omnibus, quæ
Illustrissimi Principis constitutione exiguntur.

)(-2

III. Ut

39
4,2

III.

Ut unicum quidem Theologiæ studium seriò & constanter tractent & continuent : cum eodem tamen humaniorum disciplinarum, Philosophiæ & Linguarum, Græcæ & Latinæ cognitionem, & imprimis Hebræi sermonis jungant.

IV.

Ut concionibus, disputationibus & lectionibus publicis tam Theologicis, quàm Philosophicis, sibi quovis semestri assignatis attentam & constantem operam navent.

V.

Ut Exercitia usitata Stipendiariorum tam Theologica, quàm Philosophica, qualia sunt Disputationum, Declamationum, repetitionum, assiduè frequentent; & exempla suarum exercitationum munere concionandi, declamandi & disputandi ad ipsos devoluto, maturè Inspectori offerant, illius censuram expectantes & sequentes iudicium.

VI.

Ut imprimis stylum utriusque linguæ, solutâ & ligatâ scriptione diligenter excolant : & trimestribus singulis argumenta sibi à Præceptoribus proposita elaborent, elaborata & descripta suo tempore Inspectoribus offerant, ut infra dicitur.

VII. Ut

VII. Ut in Collegiorum ædibus Musea sibi conducant, nec absque Inspectorum consensu mutant locum: in illis verò degant modestè, tranquillè & Collegiorum statutis ex omni parte conformiter.

VIII. Ut, si fieri potest, contubernales asciscant sibi tales, qui & ipsi fruuntur Illustrissimâ munificentia, & diligentia modestiaque laudem habent.

IX. Quò meliùs vacare queant exercitiis suis, nec aliis impedimentis avocentur, nulli absque permisso & præscitu Inspectorum & Præceptoris integrum sit, paedagogiam aut famulaturam suscipere; susceptam autem obeat eo modo, ne prædicta exercitia negligantur.

X. Ne ad primam & summam in Philosophia lauream sine consilio & assensu Inspectorum aspirent.

XI. Ne hinc aliò expatientur, migrentvè pro lubitu & sine veniâ, ne quidem feriarum tempore: imprimis autem ne solennium examinum & distributionum tempore subducant se, certò persuasi, nulli nisi

gravissimis de causis absentis stipendium numeratum
iri, priusquam ea res perscribatur ad Illustrissimum
Principem. Quod si verò aliquis, quocunque sanè
tempore, abeundi causam habuerit justam & gra-
vem, indicet eam Inspectoribus & Præceptoribus co-
ràm, veniâque impetratâ ad sua studia tempore defi-
nito revertatur. Aut si ipsi extra Academiam acci-
dat humani aliquid, ut id testimonio sive Pastoris,
sive Senatûs loci ejus, in quo commoratus est, de-
clare.

XII.

Ut concionum in Æde Paulinâ singulis Satur-
ni diebus à stipendiatis haberi solitarum attentum se
præbeat auditorem; qui verò concionando exercuit
se, Inspectorem Theologum templo egredientem se-
quatur è vestigio, percepturus judicium ejusdem su-
per habitâ concione, cujus exemplum simul offerat
illi. Denique universi & singuli cum aliàs semper,
tùm imprimis in præcipuis anni festis, in quibus to-
ta Universitas veteri de more convenit, Musicum cho-
rum pro viribus adjutent: Magistri quoque inter
concionandum usitata subsellia, quæ sunt in mediâ
templi parte, decenter & frequenter occupent.

XIII.

Ut Novitii, quos vel ætas, vel imperitia ab ha-
bendis concionibus exculat, nihilominus privatim de
pro-

propositâ materiâ meditentur aliquid, quod exhibeant Inspectoribus.

XIV.

Ut, qui alibi exercere volunt se, consciis Inspectoribus faciant hoc, neque locum exercitii capiant ultra milliare ab urbe, quò maturiùs ad studiorum pensa redire queant.

XV.

Ut cùm cæteris Academiae Conventibus in Paulino templo, tum imprimis in quatuor ordinariis singulorum trimestrium feriis, quibus ad DEUM preces, ad aram munus fert Academia, frequenter intersint, & sua quoque munuscula hilariter offerant.

XVI.

Ut ad distributionem secundum seriem receptionis accedant singuli, sub poenâ privationis: simulque scripta cujusque semestris unâ cum dictatis lectionum assignatarum cùm Theologicarum, tum Philosophicarum exhibeant interim, dum pecunia numeratur illis.

XVII.

Ut non, nisi consulto Præceptore, vocent Medicum Ordinarium: & alioquin ab immoderato pharmacorum usu sibi temperent.


XIII. Ut

XIIX. Ut stipendio cessuri non propterea subducant se
examini; verum quia illis æquè ac cæteris adhuc exsol-
vitur stipendium, sistant se unà cum cæteris, & absol-
vant exercitia injuncta. Secus nihil exsolvetur eis.

XIX.

Ut his omnibus fideliter peractis, & jam stipendio
abeuntes, Illustrissimo Principi, Nutritio suo, Acade-
miæ, Professoribus, stipendiatorum Inspectoribus de-
bitam grati animi significationem edant coràm, non
per internuncios, exhibitâ gratiarum actione &
valedictione soluto vel ligato scripto
comprehensâ.





fol-
of
hm
ndio
ade-
de-
non
&

L
ALU
INACA
RALI

M
TO.
Q.

1690

40
39
4.22

72

